

T5662/3153(10)

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						


Harvard College Library Imaging Services <http://imaging.harvard.edu>

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

DEC 9 1953

THE UNIVERSITY OF CHICAGO
LIBRARY

DEC 2 1952





名家雜劇

鹿城伯龍梁辰魚編

武陵彥雯汪 樗評

錢塘

蔚如汪文彪

淇生葉 筠

閱

哈佛大學漢和
圖書館珍藏印



紅線女

薛節度兵鎮潞州道 田元帥私養外宅兒

正名 紅線女夜竊黃金盒 冷叅軍朝賦洛妃詩

第一折

末扮薛嵩戎服上 漠南春色到滹沱。邊柳青青塞
馬多。萬里江山今不閉。漢家頻許郅支和。下官姓

薛名嵩河東絳州人也。祖諱仁貴，高宗朝大將軍，封平陽郡公。父諱楚玉，爲范陽平盧節度使。少叨門蔭，不事家業，膂力過人，兼善騎射。不意祿山兵起，身陷虜廷。肅宗皇帝東平洛陽，遣僕固元帥北收河朔，迎謁王師，得復舊官。遂拜嵩爲潞州節度使，復以田承嗣鎮魏博，胡章鎮滑臺，遣嵩女嫁承嗣之男嵩男，娶胡章之女。三姓交締，結爲婚姻。雖承四海多事之餘，疆界粗安，戰守略備。今日春和景明，不免帶軍士們城南較獵，一回多少是好。正

是三戰渙陽再度遠。彫弓在臂劍橫腰，匈奴若欲知名姓。且傍陰山再射雕。

下

正旦扮紅線青衣上。錦帳春闌，画角哀日，斜劍戟影徘徊。軍中無事，拋書卷坐待城南。蹴鞠回自家潞州節度使薛爺帳下，小青衣紅線是也。幼諳音律，獨擅阮咸，素熟兵機，並驅孫武。前世誤投醫藥，今生謫降塵寰。墮落女胎，爲人執役。雖作深閨之妾，實爲入幕之賓。每學劍術，驚飛樹秒；猿公常結俠徒，絕倒車中。女子由此隣藩書檄，朝廷奏章，皆

出妾手今日軍中多暇。主公較獵城南。小步庭堦。
聊玩春色。多少是好。

仙呂點絳脣。幕府春餘。落花飛絮空延竚。回首踟躕。
世事紛如許。

我想當日玄宗爺。值天下承平日久。恣意荒淫。寵
一凌貴妃娘娘。朝歡暮樂。那時節真個全盛也呵。

混江龍。明堂臨御。山河圍繞帝王居。只見那紫微環
聖座。皇極正乘輿。杏馥馥。月戶花堦多窈窕。錦重重。
瓊樓画閣半空虛。祇多少金鋪內殿。玉甃雲渠。譙排

仙苑。詔待公車。邊開衛霍館。接應徐簾垂翡翠。硯賜
蟾蜍。囊披錦繡。軸卷琉璃。越拋方曲。鼓揭軒墀。偎香
倚玉。傳粉塗朱。醉朦朧。沉香。庭畔倚欄時。意綢繆長。
生。殿角無人處。鎮日價。冤飛楚峽。夢入華胥。

我想唐家山河金甌無缺。誰道國忠一進林甫來。
九齡已老韓休死。被祿山這厮躍馬長驅。提兵深
入。一出盧龍之塞。遂搗函谷之關。污穢六宮。蹂踐
三輔。把一個嬌滴滴的貴妃娘娘。送入黃泉去也。

呵

油葫蘆萬里潼關一夜呼。走的來君王沒處宿。唬得
 那楊家姐姐兩眉蹙。感古佛堂西畔墳前土。馬嵬驛南
 下川中路。方纔想匡君的張九齡。誤國的李林甫。雨
 霖鈴空響人何處。只落得渺渺獨愁予。

我紅線雖長閨房每臨戎陣兒女情少風雲氣多
 方今四海未平鄰邦作梗一日竊發玉石俱焚主
 公故爾偷安賤妾豈能坐視雖然未露萌孽不敢
 頓泄軍機日夕包含好悶人也呵

天下樂想四海分崩白骨枯蕭疎短劍孤疑何年盡

將賊子誅笑荆軻西走秦羨專諸東入吳那時節方
 顯女娘行的心性鹵

一衆旦二人扮內使女上曉來心事亂如麻去折牆

一頭桃李花驚起錦香雙蛺蝶。趁伊飛去。到西家主

一公今早往城南打獵去了。正要尋紅線姐姐要子

一不知他跑到那里去了。呀。却元來在此閑步。旦二

一位妹子老爺出去。我要完各藩鎮的書檄。在此尋

一思你們無事。不去閨閣中做些針指。女紅出來閑

一耍何用。衆旦姐姐。今春光明嬌花柳動人。我們兩

何物呢
十八兩

個頭上髻兒梳得光光的，脚下鞋兒穿得灣灣的，正要約你到後花園中勾鶯引燕，趕蝶隨蜂，尋幾個少年兒郎遊樂一回，你到如此掃興，好苦楚人也。

也旦

那吒令你待將烏雲髻梳，須不是宋家的子，都你待學金蓮步趨，須不是漢宮的子，夫你待做分香小姑，可便是晉朝的賈午，你只好賣俏在蹴鞠場，標名在學花部，那里管帥府的謀謨。

眾旦 我們伏侍老爺正圖

朝歡暮樂，不過在銷金

帳中羊羔美酒，講些雲雨之情，玳瑁筵前，鞞袖垂肩，舞出妖嬈之態，若依姐姐，姐姐這等說，可不快煞人。

也旦

鵲踏枝 你只好錦帳中醉醞醢，華筵上舞羅瑜，那里知滿眼干戈，幾年間遍地丘墟，險些兒把中原價沒主，急急煎煎黎民似釜內遊魚。

末領軍校上 角鷹初下塞，草肥鐵驄拋鞞去如飛。

少年獵得平原兔，馬後橫梢意氣歸，紅線我早上，着你草各鎮的箋書，看你邇來身子嬌怯，想是還

未得脫稿哩日

寄生艸。主公你道我紅線呵。身材小。我可也膽氣粗。
曉蠻夷已。揆定川西。喻苦流離已。草就河東賦。救饑
荒已。擬上關西疏。主公你怎能勾。析聲沉月中。無犬
吠千村。你看尙兀自。劍光寒星邊。有騎飛三輔。

末紅線你既與我草就各鎮箋書。且和你到洞房
中。丟檣蒲雙陸。擘玩彈碁。惜翠憐紅。假香倚玉。好
不快煞我也。旦主公妾聞安不忘危。治不忘亂。况
今天下多事。正主公憂勤惕勵之日。你到要恣情

懽樂也呵。

么篇奸雄輩尚未除。這些時正鵬旗夜卷。黃沙樹。狐
冰夜走。黃河渡。狼烽夜報。黃花戍。你須要祖生早着。
洛陽鞭。怎學那謝公閒賭山陰墅。承與切音墅

煞尾。主公你休將志怠荒。莫便心安豫。念賤妾衷情
縷縷。你禍福安危。還自取。看轅門外布陣的靈樞。笑
孩心裡搦戰的方術。看時節都是碌碌軍前一走卒。
恰彎弓便輸。未交鋒先懼。主公你是必鎮朝昏再熟。
讀呂公書。

第二折

淨扮田承嗣戎服領外宅兒上生長邊城膽氣粗
旌旗十萬擁平盧世人莫問少年事兩陷東京入
帝都自家姓田名承嗣本貫平州人也天寶間曾
爲安祿山先鋒又爲史朝義前導兩陷洛陽軍敗
之後蒙僕固元帥覆庇奏爲魏博節度使承嗣不
習禮義好勇多猜雖外服朝廷而陰圖自固計戶
口衆寡驅老壯戰耕數年之間衆至十萬又選魁
偉壯士三千人號爲外宅衛兵宿衛兩廂以防不

軌戶版不籍于天府賦稅不入于朝廷國富兵彊
河北第一天子以承嗣驍勇近令連姻薛嵩二國
交歡永爲藩蔽但常患肺氣遇暑益增若得移鎮
北邊納其涼冷可延數年之命今薛嵩身居上黨
地處嚴寒意欲令外宅諸兒兼併潞府一時顧不
得親兒女那里管甚麼親家翁衆外宅兒聽我分
付卽圖起兵不可遲滯正是恨小非君子無毒不

丈夫下

末扮薛嵩上沙草萋萋牧馬鳴長風獵獵動高旌

丈夫未得收殘虜。東望葵齊恨未平。自家蒙朝廷
恩養。固守城池。邊境粗安。足稱無事。不意田承嗣
這厮。雖聯姻契。反藏禍心。適因肺病頓增。思欲遷
居寒冷。卽提十萬久操之士。兼驅三千外宅之兒。
欲併潞州。剋期竊發。念嵩弱難勝。疆寡不敵。衆計
無所出。如之奈何。好悶人也呵。旦上三尺青萍。恣
翠煙。生身花柳。總無緣。一心自有匡君策。笑殺貂
蟬嫁奉先。我紅線本欲神游物外。豈宜久處閨中。
但主公恩德未甞。豈可飄然長往。昨聞田承嗣這

厮欲併潞州。我數年之前。豫知有此。只爲未露其
事。因此久藏在心。今主公方在納悶之時。正賤妾
速當報恩之日。聞其憂惕。獨坐營中。夜漏方深。轅
門已閉。不免上前打探。一回多少是好。主公紅線
叩頭末紅線你尚兀自未睡哩。旦每常間見主公
橫槊賦詩。打毬走馬。今經一月。寢食不遑。不知爲
着甚麼來。末你那里知道。旦
黃鍾醉花陰。營月娟娟半盈缺。聽寒漏沉沉不歇。風
旌影動龍蛇。牧馬邊笳。刁斗軍中夜。爲甚麼謾咨嗟。

一寸柔腸千萬結。

末兀那小妮子、那里曉得我的心事、只管來盤問我、**旦**鶴知夜半、莫識戊巳、蕩蕩之言、聖人擇焉、主公意有所屬、莫非隣境乎、**末**事係安危、非汝能料、

旦
喜遷鶯我能尋枝葉、近閨房、也有些干涉、英傑莫道我、鬢調舌、解難分、憂能會些、這衷情須盡說、再不用千軍萬馬、又何勞戰艦飛車、

紅線雖是下賤、亦能解主公之憂、速告其詳、不須

遲滯、**末**我誠愚昧、不識卿是異人、頃聞田承嗣養三千外宅兒、日夜操演、即日起兵、欲併潞州、我承祖父遺業、受國厚恩、一旦失其疆土、百年功勛、掃地盡矣、因此憂悶、計將安出、**旦**

出隊子料區區殘孽、自矜誇豪共奢、主公你若承嗣呵、有何難哉、想提來也不甚費周折、收下也真堪小打疊、拏到也還須隨弃撇、

末今將奈何、**旦**主公、此事甚易、不須憂煩、今夜七夕、紅線暫到、魏博觀其形勢、覘其有無、三更首途、

四更可復命先定一疋馬使具寒暄書待我回時
即便發使末只是你嬌怯怯的身兒千里長途一
時如何去得旦

刮地風主公休認我閉月羞花情性怯那其間自有
分別那里知我持刀拔劍心腸劣急忙里也不甚差
迭好時光今年今夜乘着這一輪明月小身軀真俊
捷暫離公舍兩三更也不當別須踏破千里巢穴

末既然如此待我備了鞍馬點起軍兵送你去者
旦笑白俺不用俺不用待我暫入閨房飾其行具

梳烏鬢髻插金鳳釵衣紫繡短袍着青絲輕履習
前挂龍文匕首額上書太乙神君

四門子撇花鈿便把春妝卸好儀容將翠袖遮猛提
着匕首將征衫拽曳輕鞋不用靴將小腳兒挪鬢髻
兒斜羨飄揚一似花外蝶趁樵鼓兒寒漏兒徹好
一似飛仙去者

末我聞田家營內有十萬精兵廂中有三千壯士
一重重門鎖旌旄月獵獵聲傳鼓角風日夕關防非
同小可憐你香閨艷質帥府愛姬倘有不虞爲禍

非細我怎捨得你去也。旦主公不用深憂慢慢坐待看紅線做出一場奇怪事也呵。

古水仙子急煎煎駕長風步亂楚虛飄飄透青霄待將雲盡揭影燦燦手提着三尺青萍喜孜孜霎時將奸臣頭借風瀟瀟似行空馬蹶蹶漫騰騰便不去打草驚蛇惡狠狠也何難飲負心頭下血苦哀哀諒愚蒙孺子情堪赦氣昂昂方顯得香閨女子是小豪俠。

末紅線我也不敢就枕坐待你回來也。旦

毛聲主公你守着燈兒休教滅拜別了我恩主的爹爹我可也未鷄鳴便尋歸路也。下

第三折

淨扮田承嗣上玉帳分弓射虜營秋風獵獵動高旌已收滴博雲間戍更奪婆婆雪外城目今酷暑未退肺病益增欲併薛嵩已在目下預養外宅兒三千日夜番休畱爲急用今夜是七夕又該三百人直宿兩廂且教他出來分付外宅兒那有衆上外宅兒叩頭淨你們衆人各宿兩廂更番巡更提鈴喝號恐有奸細坐罪非輕可小心在意者衆理

會得做睡并眾巡更科

淨女侍們那有眾旦作執

手中拂子上女侍們叩頭淨我遭暑熱病肺未痊

思養精神暫卧繡帳少至更餘尚欲起來觀兵書
你們還要伏侍只可少息不可就枕也淨做睡眾

旦做睡科

旦結束如前上今晚初秋正當七夕紅線別了主

公飛出潞州東南城角沛乎如巨魚縱大壑逸乎
如鴻毛遇長風飛步九霄之間神遊八極之表他
日飛昇一登閬苑不過如此也呵

越調鬪鶴鴉曲灣灣月捲脩眉亂紛紛雲垂秀髮花

簇簇絲履雙穿翠亭亭金釵對插急滔滔海浪驚奔
响泠泠天風亂颭閃爍爍把七首拿虛飄飄將鶴背
踏羞殺了遠迢迢衝水的輕帆氣騰騰戰場的走馬
霎時間不覺蚤離潞州倏渡漳水隱隱魏州城已
在眼前了

紫花兒序好笑我紅線呵又不是搏風濱海奔月蟾
宮行雲巫峽我是個香閨幼女爲甚的走在天涯我
也休誇隨你直日的天符也趕不上咱想起來怎干

休罷。只教他夢斷青霄。魂繞黃沙。

轉眼之間，已不覺到魏州城了。此是他衙門，不免竟入田親家翁。我不遠千里，特來看你哩。

金焦葉：那里道霎時間來到你家。衆做巡更科旦：你

看這些巡更的，提鈴喝號，要他何用，並不見有個人。畱咱喫茶。你看這壁廂，那壁廂許多外宅兒，好睡哩。待我蹂踐他一番。你這等莽兒郎，何事困乏。你看三百人，六百隻眼睛，再沒有一個人甦醒。算來三百人都害得眼瞎。

已入外庭，未見動靜。我且發其左扉，竟入寢室，看他曾睡否呀。田親家：田親家，我在此。我在此。你怎麼就睡一些寒溫，也沒有我。且揭他帳兒起來看。只見頭枕文犀之枕，前露七星之劍，劍前仰開金盒一枚，內書生身甲子，與北斗神名。我想起來，你平日何等英雄。今夜性命反懸于一女子之手。我就殺你，此亦何難。只是可憐你無用之物，殺他何用。

小桃紅：只見金爐香遶透，窻紗寂寞羅幃下。我何忍

七首將來把他謊安排甲子總無憑。親書北斗名空挂。你雖是不醒。想夢魂兒應怕好笑。你英雄漢便眼昏花。

好笑這里女侍們執巾的頭觸在屏風執拂的身倚在卓子只顧自家的安逸那管主人的生歿我且拽他的衣服拔他的簪珥看他醒也不醒

天淨沙 這一個被咱歪了髻丫那一個被咱褪了裙釵這一個被咱分開了髻髮那一個被咱叱咤困騰騰一味哩伊啞。

田承嗣田承嗣我且饒你這廝性命只是你那里曉得我今夜到此我且持其牀頭金盒而歸報覆主公且看他醒來作何狀態只教睡覺夢魂游地府醒尋消息遍天涯。下淨醒科我纔睡去似覺有人入我房中欲覺不能夢魂驚怕今方甦醒呀怎麼牀頭金盒不見了我生身甲子北斗神名俱在裏頭且墻垣高峻閨房嚴密甚麼人到得我這裡來好怪哉好怪哉倘若敵國的好細他怎麼又不害我性命就飄然去了此事殊爲可駭做打覺

侍女科你們這些小妮子尚兀自睡哩適間甚麼人到我閨房裏來衆口沒有人淨還說沒有人牀頭的黃金盒都被盜去了可開了寢門且到外廳去問這些外宅兒怎麼說外宅兒那有衆應科淨適間甚麼人到我衙中來把我牀頭金盒都盜去了衆老爺這等衙門半夜三更有甚人敢進來除非金盒是有靈的自家飛上天去了淨還要調嘴天色漸明你們三千人不論巷曲街坊城內城外分兵前去五家一追尋十家一搜檢務要緝拿方

見明白獲着者就賞千金無獲者各問重罪正是

假饒走上炤摩天脚下騰雲須趕上下

末上紅線一去閉戶獨坐每常飲酒數合却便頽

然今夜連舉數觴愈不能醉旦上一出魏城來望

西北行將及二百里只見漳水東流雀臺高峙晨

鐘動野斜月在林忿往喜還暫忘于行役感知報

德聊副于咨謀聽夜漏三更入危那一道往返七

百里經過五六城倏忽之間不覺又到潞州了此

是主公門首不免竟入末天已漸明只見那曉角

賦 漢人小

吟風一葉。墮露驚而起。問呀。紅線你回來了。**旦**紅線叩頭。**末**我兒辛苦跋涉事可諧否。**旦**幸不辱命。

末你可細說與我聽。**旦**妾自別主公二、三刻間。卽到魏博。凡歷數門。遂及寢室。聞外宅諸兒止于房廊。睡聲雷動。見軍中士卒步于庭下。傳教風生。迺發其左扉。抵其卧帳。見田親家翁卧于帳內。鼓足酣眠。頭枕文犀之枕。前露七星之劍。劍前仰開金盒。內書生身甲子。與北斗神名。此時要殺何難。暫且放縱。只見蠟炬煙微。爐香燼委。侍人四布。兵仗

森羅。或頭觸屏風。斡而躡。或手持巾拂。寢而伸。乃授其簪珥。褰其裳衣。如病如醒。皆不能寤。遂持金盒以歸。謹以投獻。冀減主公之憂。敢辭須臾之苦。

末我兒好生受你也。**旦**

調笑令奉爹爹令。咱魏國親達。呀。把他那外宅衙兵盡踐踏。向朱扉左扇尋空罅。靜悄悄不見誼。譁好笑。那田家翁做人來。真邁過。困騰騰像半死的蝦蟆。

禿廝兒我要打碎他雲窗繡榻。蹂損他愛妾嬌娃。我待要將他的軀老活縛拿。頭去斷。髮來拔。也不爭差。

主公我想他是個無用之物。饒了他性命。拏了金盒就跑了回來。

聖藥王他是個井底蛙。不用抓。我是女娘家。不必性兒狹。就撇了他。歪到家。腳跟猶帶魏庭沙。主公看我一身風露滿面塵沙。恰便似霧鎖牡丹花。

主公你可曾備快馬一疋。寒暄書一封。末我備下幾多時了。旦主公你可疾忙差人將書一封。金盒一個。星夜送到田承嗣處。末軍校那有扮卒上爺叩頭。末你將此書金盒星夜送到魏州田爺處。只

說昨夜有客自魏州來。從元帥爺牀頭獲一金盒。不敢畱貯。謹用獻納。卒應下。旦

尾聲。主公從今帥府可也應多暇。這段功勞非是小。丫鬟們誇耍。再不再消魏州城下去。挽一張弓。田家門前去放半疋馬。下

第四折

衆扮田家軍校上。我們田家帳下軍校是也。向晚老爺失去金盒。不知那里天殺的偷了去。分付我們五家一追尋。十家一接捕。再不見一些兒踪影。

今日限滿，我們都要問罪。兩日老爺納悶，着閉上軍門，再不許將閑事通報。遠遠望見一疋飛馬奔將來，不知爲着甚的。薛卒上一心忙似箭，兩腳走如飛。我是潞州薛爺差來的，煩你通報。田卒這兩日老爺不快，一應事情俱不許報。你且慢着。薛卒我薛爺差來，有軍機重情，如何阻當。田卒就是薛爺自來，也沒幹。薛卒你不肯報，待我自家擊鼓。以馬鞭擊鼓科。淨內出急問科。是甚麼人擊鼓。薛卒見科昨暮夜有客自魏州來，從元帥牀頭獲一金

盒，不敢收留，敢此投獻。淨驚接待軍校科。怎麼有這等事。蚤是你們老爺若是別人，怎肯差人送下。又來報我。薛卒這等說將起來，我家老爺失了金盒，老爺決不肯差人送來了。淨我與你老爺一般，怎麼肯。怎麼肯。只不知送來的，怎麼樣的人。薛卒是一個女子，生得儀容嬌媚，宛若天仙。是夜正當七夕，老爺坐帳中觀兵書，至五更時分，倏然而來，送此金盒。淨我失金盒，正是七夕，此去潞州七百里，怎麼就到得你家。敢是飛來的。薛卒說道常

飛在人家閨閣中、吃惡人的腦髓、**淨驚科**若依你
說起來、我的腦髓、幾乎被他偷去吃了、好怕人、好
怕人、他如今在那裏、**薛卒**常在我主公家往來、**淨**
我這里無緣、再不曾遇得這樣人、**薛卒**這也何難、
老爺若思想他、小人家去再教他來看、老爺、**淨驚**
云、這使不得、再不勞下顧了、軍士們、你可安排大
筵宴在私宅中、我自陪薛家大哥飲宴去、**薛卒**下
淨軍士們、明日遣使將名馬二百疋、錦段三萬端、
珍玩奇寶、送與薛爺、并教幕中記室、作書一封、曰

承嗣首領、係在恩私、便宜知過自新、不復更貽伊
戚、專膺指使、敢議親姻、卽當麾鞭馬前、捧鼓車後、
所置外宅兒、本防他盜、亦非異圖、今並脫其裳衣、
放歸田里、務要詞旨謙恭、字畫端楷、不可遲悞者、

卒領鈞旨 竝下

旦扮道服上 綽約腰肢更可憐、分明花洞小書僊、
何時得離人間世、飛到玉皇香案前、紅線前生得
臯、墮落人間圖報、今世之恩、再了後生之事、雖懷
劍術、常結仙心、今主公之恩、已彌林壑之念、遂決

朝真玉洞採藥名山。只待主公出來，卽得辭去。
末上：日落轅門，鼓角鳴飛書。已入魏州城，從今紫塞
狼烽斷。戰士歸耕不用兵。紅線前日差人到魏州，
怎麼這時候不見回來。
卒上：魏州往返千五百力，
衰腳痛走不得，只連奔了八九朝。不如紅線三兩
刻，老爺叩頭。
末：你回來了。
卒：回來了。田爺多拜上。
老爺感恩非細，今送錦段三萬名馬二百，珍玩奇
寶俱在帳外，兼有書一封投上。
末：孩兒一路辛苦，
着帳下賞他金帛酒飯去。
卒：謝下。
末：誦前書科。
田

承嗣田承嗣，看你數載強梁，一旦軟弱，是何前倨
而後恭也。紅線我兒，這段功勞都是你的，此恩何
日報得。
旦：怎麼敢。
末：你今日爲何這等打扮。
旦：正要對主公說紅線前生男子游學江湖，讀神農藥
書，救世人災患。時有孕婦忽患蟲疾，以荒花酒下
之，婦與腹中二子俱斃。是一舉而殺三人，陰力見
誅，罰爲女子，使身居賤隸，氣稟凡俚。幸生於公家，
今十九年矣。口窮甘軟，身厭綺羅，寵待有加，榮華
亦甚。況國家達治，慶且無疆。今兩地保其城池，萬

人全其性命使亂臣知懼列士謀安在紅線一婦
人功亦不小固可贖其前罪遂其本形便當遁跡
塵中棲心物外澄清一氣生死長存主公主公我
今日別了你決要去也呵

雙調新水令一天風露報新秋正庭院落梧時候金

商初應節青女競宵遊末紅線我兒怎麼割捨得我

飄然就去了旦主公月有圓缺陰晴人有悲歡離合
寒來暑往天道之常你看這兩日呵織女牽牛正是
別離後

末你當初的事與我再說一番旦

駐馬聽聽說緣由我是董奉門前栽杏叟末你原來

是個醫人旦我害子母三人性命傷他骨肉罰做薛

家帳下小丫頭侍隨了主公何等窮奢極欲筵窮甘

軟厭珍羞身盈蘭麝粘羅袖恩愛久風流豈落諸姬

後

方今諸藩安靜天下太平保守兩家城池萬人性

命區區女子功勞亦多即當贖前罪而復男形離

迷途而歸正道末紅線我兒面如牆外桃花腰似

既誤滿
亦出塵
亦詞家
精品

窻前嫩柳、深山窮谷、草舍茅簷、怎受得許多辛苦、

旦

喬牌兒 主公你見我平日行徑呵、認咱是窻外柳、我
日夜、夢魂兒呵、常不離海中岫、我卽今要東游碧海、
西走崑崙神游八荒、一證仙果、正要、到蟠桃會上、親
傳授、吃幾杯長壽酒。

末 我兒既是畱你不住、我只得放你去軍校們那
有軍校上稟爺有何分付、末 你去排設筵席、到幕
中請冷參軍、劉郎中、楊員外、各老爺與紅線姐送

行去、卒請科衆官上、蘭陵美酒鬱金香、玉碗盛來

琥珀光、但使主人能醉客、不知何處是他鄉、下官

冷朝陽、下官劉長卿、下官楊巨源、蒙薛元帥相招、

不免竟入、末衆相見科、末 紅線、你叅見列位爺、旦

見科、衆 紅線姐、你不勞戰馬一疋、羽箭半枝、收功

俄頃之間、決勝千里之外、可喜可賀、請問元帥、他

今日怎麼是這等打扮、末 不瞞列位先生說、他不

肯帥府尋歡、卽欲山中訪道、因此特排筵宴、請諸

公與他送行、衆 紅線姐、看你這等小小身兒、你打

扮起來恰像王母面前許飛瓊的模樣也。旦

攪箏琶。莫道我身子兒瘦。我待要騎鶴上瀛洲。只爲

這塵世沉淪。因此慕仙家永久。衆你敢是還要別尋

懽樂去處。旦你休認我天台洞口去尋劉。那里知臭

皮囊畢竟難留。衰朽我待學忘機江上鷗。討甚麼悶

愁。

女侍們送各位老爺的酒者。紅線歸山訪道。此

亦人間奇事。煩列位先生各賦一詩。以敘離別之

意。冷先生先唱。劉先生次之。楊先生又次之。

詩云。採菱歌怨木蘭舟。送客魂消百尺樓。還是洛

妃乘霧去。碧天無際水空流。末賦得好詩也。紅線

送冷老爺一杯。旦冷老爺你道我似洛妃乘霧碧

天水流。我好快活也。

鴈兒落。非是我辭家喜浪游。祇爲那住世多卑陋。你

道是魂飛百尺樓。我待要踏破三山甃。

劉咏詩云。獨上雲梯入翠微。濛濛雲氣護岩扉。送

君去向中峰住。遙禮青山恨不歸。末好詩也。紅線

送劉老爺一杯。旦劉老爺你說道雲護岩扉向中

峰住真個是好去處也

得勝令。你只見渡口水爭流。我待去花下問漁舟。喜

得那路接僊源近。誰知道山藏鬼谷幽。楊咏詩云暮

府歌鐘花外亭。翠蛾紅粉散雲屏。舞衣脫去餘香在。

今日花前學誦經。末好詩也。紅線送楊老爺一杯。且

揚老爺說舞衣脫去。花前誦經。說得我不差也。我待

戴一個綿篋。說甚麼鳳髻金釵溜。我待穿一領羊裘。

再不想香羅衫袖扭。

我今也送主公一杯酒。願主公急流勇退。明哲保

身。仙路非遙。或者還有相見之日。

沽美酒。願恩官坐潞州。願恩主早封侯。想富賢功名

不到頭。好休時。即便休。怕那時節。罷不得手。

主公。我今日就拜你去者。

太平令。早來到神都蓬園。去尋個衙侶僊儔。免不得

參辰卯酉。那裏管箋書章奏。我呵。從今離歌樓舞樓。

便飛上麟洲鳳洲。呀。看身穿九霄雲竇。

且望北拜科。願朝廷爺萬歲。萬歲。萬萬歲。

錦上花。四海昇平。拋鞍弛弮。邊警無虞。氛解狼收。濟

濟諸公同調。玉燭燦燦羣星。俱朝北斗。夔龍作輔臣。
湯武做明后。華輦宵行。翠蓋宸游。聖德重熙。皇猷不
朽。海晏河清。天長地久。

清江引急。騰騰拜辭。天路。走劍氣。清風鬪。何年一鶴
歸故國。還依舊。那時節。向古遼城。重聚首。
下



七
奇
又



名家雜劇

宛陵禹金梅萬祚誤

西湖

孟圖楊世珍



錢江叔薦張鶚舉評

彦雯汪 撰

崑崙奴

汾陽王重賢輕色

紅綃伎手語情傳

正名

崔千牛侯門作婿

崑崙奴劍俠成僊

第一折

外扮郭令公金襪頭紅袍衆引旗戟女侍執劍拂

一女衣紅上建節東行是舊遊。安危須共主君憂。

郡人重得黃丞相。上客親隨郭細侯。下官姓郭名
子儀。華州鄭人也。本以武舉起家。累擢永清軍使。
天寶十四載。反了安祿山。這厮潼關直入。聖駕西
遷。某家爲靈武太守。兼領朔方節度。與李太尉光
弼等。奮義勤王。揚兵擣賊。幸得兩京克復。九廟不
移。蒙主上錄其微功。旣拜中書令。又封汾陽王。親
在肺腑之間。班列諸侯之上。只是一件。某聞得天
忌多。取位極。身危。況且魚朝恩。程元振。這一輩小
人。妬賢嫉能。如鬼似蜮。某便做上書乞骸。肉中歸
第。亦有何難。只爲那患難未平。國家初定。某是個
安劉周勃。怎做得辟穀留侯。以此多買些歌兒舞
女。暫且圖暮樂朝歡。聊學那王翦。置田蕭何。請苑
人都道。俺窮奢極欲。那知是明哲保身。這幾日體
中不快。早已分付女侍們。排宴親仁里甲第中。叫
牙門官。如有緊急軍情。及俺通家子弟。謁見方許
通報。其餘權記下者。雖不是避賢初罷相。可一似
樂聖且嚙杯。

下

崔生金束髮冠紅袍上。東風吹柳萬條斜。望見葳

蕤舉翠華十二街中春色徧。蓬萊闕下是天家。自家博陵崔生者是也。其父天寶中曾備顯僚。頗叨門廕。某因任千牛之職。彎弓執戟。強似循郎繡服花冠。忝親宿衛。年方及冠。尚無妻室。終鮮弟兄。見今汾陽王郭令公與某父舊係同寮。正是通家。這幾日聞得他身子不快。某承命親去問安。且待崑崙奴到來前行者。崑崙大帽青衣上。裘馬誰爲感。激人豈論書劍與風塵。五湖歸去孤舟月。再到天台訪玉真。某崔府崑崙奴磨勒是也。本結仙胎。旁通劍術。驅神役鬼。出入無只爲那塵緣未盡。海謫難辭。就托迹在崔老爺家。做個蒼頭。見今伏事他郎君在此。儘着他墜鐙執鞭。少不得負薪汲水。正要忍辱纔是鍊魔。直等到主恩少報。限期已滿。方可脫身。再圖證果。這幾時像是有個機括了。郎君早間說要見汾陽王。須索隨行者。迤邐行來。你看是好一個長安也呵。

仙呂點絳脣。百二咸京。赤符膺命懸金鏡。海晏河清。北極皇輿正。

俺唐朝建都關中、到玄宗皇帝開元年間、真個主
聖臣良、兵強國富、後來那妃子專寵、姦臣擅權、弄
得好一場大亂也。

混江龍、山河壯盛、忽渙陽、鼙鼓動、華清、玉環山下、鬼
鐵騎國西營、這郭令公呵、特地親提靈武、駕翻然、遠
救朔方兵、真個是、戈揮太白、劍掃攬、搶眼標、銅柱臂、
奪金城、乾坤再整、日月重明、生朝廷却也報得他厚
了、崑崙到如今、旂常姓、勒帶礪、功成貂、行奕、葉麟閣、
圖形、旌門、列戟、珠履盈庭、雕房鎖闥、綉褥銀屏、則聞
的燕鶯夾座、鬧春聲、又則見、貔貅出獵、乘秋、令受用
些迷花寵柳、鼓瑟吹笙。

這是郭令公府前了、早見他升堂也、郭領衆及紅
綃上、春光又入上陽間、日繞龍鱗、識聖顏、莫是長
安行樂處、紫宸朝罷、綴鷓鴣、這幾日病起入朝、方
纔歸府、牙門官有客見訪、好生典謁、生牙門官可
通報、故人之子、崔干牛求見、衆呀、不勞下顧、前日
俺老爺因病辭客、有個牛仙客、老爺來拜、俺見老
爺門對上、道院迎仙客、書堂引相儒、以此就報老

爺大怒說是你那牛字怎的說細打一百如今你
叫做崔千牛就當打一千了你改作崔千馬罷生
却不道以牛易馬衆我且盤你一盤是水牛是火
牛你身穿紅一定是火牛了生道不得利欲驅人
萬火牛衆說起萬牛一發不敢報了生咳好一個
阻賢的牙官可惱衆你嘆氣也無益可知道丙丞
相不問牛喘崑崙一發諱話俺自去進報衆少待
報介郭這崔千牛是我同僚之子疾忙召進見拜
介生左轄頻虛位郭殊恩且列卿生故人何寂

郭夫子獨聲名女侍們設繡榻郎君坐者生崑崙
奴叩見郭老爺郭這崑崙奴是甚名來崑崙

油葫蘆俺磨勒是崑崙一個名便謹依闈外將軍令

做合跪科曲着躬聲喏在公庭郭紅綃以甘酪沃絳

桃進崔生點茶者紅擎甌進崔科崑崙好主人筵上
無鐘鼎小妮子塔下傳香茗背科那察案的禮不周
這子弟的心自省也須知桑梓人恭敬甚的是遺後
見君情

生揖科小姪告辭郭郎君閒暇須一相訪無間老

夫也紅綃可代老夫一送女侍們置宴後堂去正
是賓至下塵榻憂來命綠尊下紅綃私白看那生
貌如冠玉聲似擲金舉止安詳發言清雅是好托
終身的我且做些手勢與他他敢怕有頓悟也不
見得崔郎老爺命我送你出院哩做出三指三反
掌指胸前鏡子科崔郎記取正是傳聲三語椽安
得一心人下生我好悶也崑崙

天下樂你累世通家說李膺交情待怎生把龍門却
將來做夢登這郭令公還是厚哩古人道一貴一賤

交情乃見一歎一生乃見交情今世的人誰不如此

問黃公壚畔言聽山陽笛裏聲都變做鶯花三月景

生且回書院去者悞到蓬山頂上遊明踏玉女動
星眸朱扉半掩深宮月應獎瓊芝雪艷愁咳好悶
人也做坐科崑崙

那吒令你坐瑤臺露凝敢只為烏啼的酒醒生做臥

科你卧蒼苔月明敢只為花飛的夢縈生做泪科你
忽蘇蘇泪零須不是傷春的病症看你門裏面却挑
心蟲兒底還添血那些個守口如瓶

生你是個廝養們蒼頭輩只好做酒囊飯袋圖定
些醅酹膨脗那曉得我心中事來崑崙

鵲踏枝你道是廝養們不聰明蒼頭輩忒膨脗背科
可知俺駕霧騰空十年來變姓埋名俺曉得多是爲
那送出院的人了、你快心兒把崑崙的索倩這差科
非關似走馬擎鷹

郎君豈不聞蟻可測水馬能識途黃帝順風以拜
童子孔聖辨日乃屈小兒你要甚的來九天之上
九地之下不拘遠近老奴必能爲郎君致之生呀

我誠皮相那識異人我試說與你早間郭令公着
那紅綃妓送我出院我回頭一顧他袖出三指又
反掌者三然後指胸前小鏡子道是記取記取這
明明是、有心我了、那手語却怎生說來、它做得諷
龍尾的、莊姬我到不能爲隱羊裘的文仲、好悶人
也崑崙此小事耳有何難曉立三指者宅宅中有
十院歌姬此乃第三院也反掌三者數十五指以
應十五日之數也胸前小鏡子者說那十五夜月
圓如鏡叫郎君來也

寄生草。它暗約着三更棗。尚畱着五夜燈。生這都是
了。可喜。可喜。你有妙計。達得我心事。會得它一面麼。
崑崙這有何難。俺就負着郎君去。便偷桃。也就跨蓬
山頂。便尋芝。也就入天台。嶺便乘槎。也就犯銀河境。
生既去得。就要去那玉樓人等。得苦也。崑崙郎君耐
性。他宅中有猛犬。守着院門。常人若入。必噬殺之。這
犬其警知神。其猛如虎。卽曹孟海州之犬也。世間非
老奴殺不得此犬哩。你只知道露瀼瀼。玉樓人倚杏
花寒。可知怕的是月團團。金鈴犬吠梧桐影。

生好斷腸的事也。崑崙

么篇你小可的腸都斷。那紅綃也恨越增。這些時金
缸帶壁芙蓉冷。羅鈿匣鏡玻璃淨。鮫綃漬泪珍珠迸。
若不是俺巧心兒移日會瞞天。你那悶愁兒一似擔
雪空填井。

生你則這等去。敢帶些器械麼。崑崙俺自有打扮。
做戎粧。懸鏈挂鏡袖劍科。

煞尾。腰懸着百鍊鎚。胸挂着雙文鏡。袖三尺青蛇爛
烟寫太乙神名。頭上頂生好打扮。百鍊鎚流星在手。

雙文鏡皓月當胸太乙神定相顯助三尺鐵誰敢爭
鋒是好一箇崑崙也我要怎的去好崑崙郎君但請
深青絹兩疋爲製束身之衣窄裁衣時樣深青生這
好險莫不決撒也崑崙寬放膽潛踪滅影試看俺虛
飄飄出入似無人境你加些志誠俺圖些僥倖好和
反成就了你錦前程並下

第二折

紅綃上深谷鶯啼恨院香偷來花下解珠璫碧雲
飄斷音書絕空倚玉簫愁鳳凰妾乃郭令公家歌

妓紅綃是也見居在第三院內兩日前那崔千牛
來見我老爺我送他出院去曾做些手勢教他十
五夜乘着月色會我院中如今正是十五夜了但
不知這啞謎兒他可參得透況且又重門峻壁就
插翅也飛不來哎我這半腔春恨滿腹離愁都付
一聲的長嘆也崑崙上行行望入五侯家寒食東
風御柳斜細看月輪還有意試開金屋掃庭花俺
磨勒說定今夜與郎君赴紅綃之約早見那天從
人願皎團團的明月推上來也生上磨勒你看水

崑崙如
輪漸滿玉宇無塵仗你的力今夜好一個人月圓
也崑崙當此夜闌人靜月朗星稀老奴前行郎君
便隨後者

越調鬪鶴鷄剔團團扇影裁絀急閃爍珠光破匣霜
鋪似漢闕龍樓冰堯般秦宮鴛瓦昨日個一水天邊
今夜裏三星戶下生料你酒肉勾了敢還吃些茶去
崑崙我也不吃茶生且住與你說句話兒去崑崙我
也不打話早教那奔月嫦娥管會你行雲楚峽

衆卒巡更上虬箭傳宵漏鷄人報曉籌半夜三更
你們是那里去的崑崙俺是郭爺府中差來查你
們的點科你們既都在不可守定此一處到天街

上去巡一巡衆應下崑崙

紫花兒序

公令枉着你金壺玉箭鐵壁銅垣我並不帶

水沾沙做犬上吠科犬你做道知恩展草我却又爲
主移花厖也休嗟就是黃耳的也與我將書達到落
得無牽無掛打死犬科犬我不是要害你性命也則
怕打鴨驚鴛打草驚蛇

郎君犬已爲老奴搥殺再無障塞了這裏邊有十

重高垣可速進者。做負生踰牆科。

金蕉葉乘顛氣。那、里、有、高、高、下、下、御、天、風、則、覺、得、瀟、瀟、灑、灑。小相如參透了風流調法。俏文君不教你終身守寡。做到科。

調笑令。這來第三院敢是他。生一定是他了。崑崙莫

不你饒眼兒。花那繡戶早則不扃也。我試開看呀。我

則見泪閣着腮兒手。嗑牙。生做窺科。你看他翠環初

墜紅臉。纔舒幽恨。方深殊愁轉結。是好動人也。崑崙

又則見絳臺上明晃晃的燒銀蠟。生那金缸尚微明

哩。崑崙你則索靜悄悄不的爭差。切莫要籠窻和動

閣。是必小心兒行禮謙洽。

生進紅綃執生手科。妾知郎君穎悟必能默識。所

以手語耳。但不知郎君有何神術而能至此。生乃

是我崑崙奴磨勒負我而來。紅綃奇哉奇哉。崑崙

小桃紅雕闌深鎖。牡丹芽屈殺居人下。裙摺兒怪怪

襯着衫兒詐。這些時好破瓜。正春宵一刻千金價。紅

綃磨勒何在。速喚進來。做進見科。這事多生受你勸

你一杯酒者。崑崙你纖手親擎着玉斝。可不道將人

折殺紅綃。你既負得郎。進來也。負得我。出去麼。崙不難。不難。俺便做那宮鶯。啣出上陽花。

紅綃。妾家本居朔方。為人姬僕。臉雖鉛華。心頗鬱結。縱玉筋舉饌。金鑪泛漿。雲屏而每近綺羅。綉被而常眠珠翠。皆非所願。賢牙爪既有神術。何妨爲脫狴牢。雖死不悔。願侍光容。又不知郎君高意如何。生搖頭科。這事也甚難哩。崙崙小娘子既堅確如此。亦小事耳。

鬼三台。他說着英雄話。你怎的喬禁架。使不得推壘。做啞小娘子。把玉簫吹徹。碧桃花。趁東風。早嫁小娘子。有囊橐粧奩。老奴當先負出去。紅綃。你却不要當要來。崙崙。休問我要。也不當要。則問你假。也不當假。做負囊出。復進科。赤緊的彩鳳文鸞。勾罷了心猿意

馬

天色將明。郎君小娘子。請速行者。做負二人出牆科。

秃厮兒。也不須白鼻小騮。也不須七寶高車。我則向空中往來尋空罅。郭令公。明日呵。倘問你那嬌娃。崔

家。

聖藥王。你看月影斜。花枝亞。鳳凰城東角。暮雲遮。做到院科。開了翡翠屏。忙鋪了芙蓉榻。湘簾兒低護。絳

尾聲。看來這一場好事。天來大。須把俺崑崙崙崙。眼梢兒一抹。趕着你這崔千牛。緊追陪。閃殺那郭汾陽。告消乏。並下。

扮管家上。生身作奴客。入侍近王侯。俺是郭府中。

管家昨夜歌妓第三院。不見了紅綃一人。這事好蹊蹊。須要報與老爺。扮牧夫上。獵書非我事。狗監

是前生。俺是郭府中掌管牧養的。昨夜歌妓第三院的猛犬。不知何人打死了。也須報與老爺相見。

各說科。管家我如今沒奈何。只得分情割愛。將我

那渾家賠了老爺罷。牧夫你那婦人我見來。五六

十歲。赤了雙腳。要他何幹。管家你不曉得我婦人

是有出處的。韓詩道。一婢赤腳老無齒。牧夫好一

個步步生蓮。我將那十二三的女兒賠老爺。使得

管家一發難。我見你那女兒。就像你的面。是花的。

牧夫你也不曉得我家女兒是有出處的白詩道

花面丫頭十二三管家好一個面貌如花還是我

那赤腳好對紅綃牧夫我那花面好對你那赤腳

管家住口老爺出堂也郭令公上你們為甚事在

此大驚小恠者同稟科夜來歌妓第三院不見了

紅綃守門的海州犬也為人捶殺了稟上老爺知

道郭你們都不要胡嚷着一兩人暗暗的緝訪眾

應下呀作恠我門垣從來邃密封鎖甚嚴他勢似

飛躡絕無形迹是一個大俠了若再聲聞徒生禍

害況那紅綃原是歌兒不在我姬妾之數由他去

罷只是這般人却都不為朝廷所用眼見得天下

又多事也正是巖廊多倖位草莽有英雄下

第三折

崑崙上城上春雲覆苑牆同人永日自相將歸鴻

欲度千門雪花氣渾如百和香俺磨勒自引出紅

綃娘子與郎君住此已經兩年並無踪跡今日去

同遊曲江事數敢也要露了就使郭府中千軍萬

馬來俺自有對付他處紅綃上妾乘油壁車郎乘

青驄馬生上何處結同心。西陵松柏下。磨勒你怎
生恁等粧束。崑崙人事何常。須防不測。老奴御車
籠馬。請往曲江者。

正宮端正好。車油壁。暗塵飛。馬青驄。遊心蕩。步春雲。
晚色年芳。看曲江翠幕。排銀榜。通御氣。停僊仗。

這曲江上好風日也。

滾綉毬。虛飄飄。風乍涼。漸融融。日載陽。罩輕烟。紫絲
羅帳。溯空明。錦纜牙樁。覓九龍。鬪草池。問三郎。蹴鞠
場。對秦川。綠波如掌。記芙蓉。別殿焚香。正林花。着雨。
胭脂濕。水荇牽。風翠帶。長傳語。風光。

生那裏有好酒店。尋一所。飲三杯去。崑崙前面那
杏花村中。有一個小酒店哩。

倘秀才。紅杏鬧。青旗小。坊碧柳。映黃茅。短牆。酒保
有麼。指點銀瓶索酒嘗。酒保上。歸來宴平樂。美酒斗
十千。崑崙那裏問十千。平樂價。酒保只一位。官人麼。
崑崙還有那二八內家粧。要一副。僻靜些。座頭怕蜂
勞蝶。嚷。

郭家人上。昔有霍家奴。姓馮名子都。依倚將軍勢。

調笑酒家胡叫酒保郭大爺來到你曉得俺郭府中人弄大慣了你有那老的少的村的俏的吹的彈的歌的舞的選十數個來與俺大爺下酒酒保店小二這屋裏並沒有郭家人你調謊待俺自去搜看窺紅綃科這裏面明明一個穿紅的婦人與甚麼漢子飲酒呀這婦人好厮熟就似俺府中兩年前失去的紅綃崑崙你問誰來郭家人裏面這婦人是那漢子的何人崑崙

呆骨朵他阿嬌金屋粧成相記盈盈十五恰嫁王昌

郭家人這等是一對好夫妻了不但這婦人那漢子也厮熟到像是兩年前見俺老爺的崔干牛一般崑崙你見鬼了是甚麼崔干牛與你家紅綃那些似楊虎圍匡空省識明妃畫像依你說是紅綃來怎出得侯家的似海門更那羽林的如雲仗你可也敢錯認紅綃樣試開取鑲金箱

打郭家人下生這厮去一定報令公也扮將官騎

馬上單符軍府令一騎曲江頭崔干牛在這店裏麼崔干牛奉郭老爺之命問我家紅綃何在干牛

何以得之。生我命早則休也。崑崙不休不休尊官。
俺直對你說那紅綃本是個英雄埋沒着在你相。
府他看上俺家郎君討一個出頭日子是俺崑崙。
奴畧施小計先殺猛犬徑入重垣不辭那半夜辛。
勤成就他百年姻眷與郎君沒甚相干來。

倘秀才休的爲亾猿。楚國遭殃則俺學鳴鷄。函關空。
莊那日個三五良宵月半黃。渡漢填烏鵲登臺引鳳。
凰。這的是崑崙性拚。

將官這也不當拚了俺自去回覆老爺者。下生此。

去必多着人來且急回書院去。行科崑崙。

滾綉毬步珊珊。環珮長動霏霏。羅綺香猛回頭綠愁。
紅帳問歸途。驀徑穿坊則平將風月擔。怎爭教鶯燕。
忙。生紅綃磨勒。須要商量計將安出。崑崙郎君小娘。
子放心假饒他。明燒妖廟就其間暗度陳倉。那風聲。
兒一任傳軍府。你春色牢關在洞房有甚商量。

將官領衆卒執兵器上。令急如星火兵嚴似虎狼。
這就是崔千牛書院進見科。俺老爺傳語千牛。這。
件事紅綃亦有大罪。但千牛驅使踰年也不問是。

非了今命小將統甲士五十人只擒崑崙奴一人須爲天下除害甲士們擒住崑崙奴者崑崙誰敢來誰敢來

倘秀才不枝撐手慌脚忙沒遮攔數黑論黃依倚將軍勢可也強俺郎君就當做你家個東床也不辱了你家譜便做道牽絲尋繡幕到省他開宴出紅粧儘兩下相當

將官甲士們向前圍住者崑崙

滾繡球吉錚錚鐵鋼鎗密匝匝綠沉鎗衆俺老爺曾

定兩都戰河北山東宰相山西將哩崑崙最生憎山

西出將則好去河北爭強衆你是崔家牧馬驅羊的

有甚強來崑崙你那裏知道那衛長平曾牧馬蘇屬

國也驅羊傳與你賢明宰相莫欺俺粗笨的兒郎衆

他是中書屢考令汾陽異姓王崑崙你道是二十四

考中書令兩字汾陽異姓王俺提和放也不甚周章

上覆你老爺一女子何足惜所惜失一烈士耳他

富貴已極緩急有時那裏沒用着我們處俺試說

幾個古人你試聽者

脫布衫盜馬的。死救秦亾射鉤的生輔齊強。透重圍是絕纓楚將。脫囹圄是那賜姬的表盜。

〔衆〕俺老爺拏你也只爲天下除害。崑崙大笑科。可。咲。可。咲。你。見。害。天。下。的。那。裏。是。俺。這。一。班。貧。賤。的。人。俺。試。說。眼。前。事。你。試。聽。者。

〔醉太平〕有一個設金鷄寶帳。〔衆〕這是安祿山了。〔崑崙〕有一個坐偃月深堂。〔衆〕這是那李林甫了。〔崑崙〕有一個南征北討要開疆。〔衆〕這又是楊國忠了。〔崑崙〕把乾坤擾攘攘得個六龍棧道連雲上。六宮夜雨霖鈴響。

六軍戈甲掩胡霜。是他們主張。

郎君小娘子且請方便。老奴暫去。立秋之日。到青門外相會者。衆將投你。那郭令公却早已老也。

尾聲休教白髮三千丈。少甚金釵十二行。開籠好放

雪衣娘。〔生紅綃下笑科〕他怎麼擒得我。你看俺七首

星光鶴背雲翔。若問盜紅綃那一個。崑崙端的在瑤

天上做飛身下。

〔衆〕呷呀。好怕人。你看他飛出高垣。驚若翅翎。疾同鷹隼。攢矢如雨。列甲成雲。那裏沾得他一毫。這樣

人怎麼好惹。我們去報老爺。眼見他上天有路，驚得我入地無門。

第四折

郭令公上。渚烟、溪月、共忘機。老大徒傷未拂衣。真訣自從茅氏得。瀛洲當伴赤松歸。自家是郭令公。想俺的功名已極。享用太奢。到老來出世超生。則有尋仙這一路了。適有人報道。崔家崑崙奴。又做道人在青門外。看起此人不止是大俠。實是個劍仙。俺再差人去打聽了。卒上。探事的報老爺。崔家

崑崙奴委的做了道人。在青門外等他。郎君和那小娘子一別。就成甚麼仙去哩。郭我如今作急去尋他。他倘肯爲朝廷出力。我便上書奏聞。若苦不肯。或者幾句好言語。點悟我。也是我歸根處了。左右的。隨我去青門外走一遭也。下。

崑崙道粧執拂負劍上。曾向長生說息機。頓令心地欲皈依。仰天大笑出門去。却伴青霞入翠微。俺磨勒下降崑崙。混身僕隸。近日來謫限已滿。主恩略酬。況且又已顯迹人間。自不宜久居此地。春間

曾約郎君小娘子立秋之日青門外一會其從此
逝矣這些時想多來也生紅綃上嬾朝真與世相
違嘆息人間萬事非黃鶴有心畱不得何年却向
帝城飛前邊那遠遠立的是磨勒也呀磨勒你自
那日飛出院牆之後一向在那裏却怎的這般道
粧起來崑崙老奴東往扶桑西尋弱水討一個消
息兒就來此間以赴前約且要拜別者生紅綃呀
又怎生說起別來崑崙郎君小娘子俺的前因和
這近事也都瞞不過你們了老奴感老相公視如

已子郎君親若弟兄又何忍爲人不徹中道相拋
只是俺已登名綠簡落藉黃塵要畱也畱不得了
你看那青門之外金鸞乍轉玉露初零纔見春來
又早是秋景也

雙調新水令漢家宮闕動高秋望長安不堪回首瑤
臺青桂冷金井碧梧愁生畱片時待餞你一杯酒
兒崑崙何處淹畱更盡那一杯酒

生敢憶着你故鄉要去麼崑崙

鴈兒落那裡是魂飛故國樓則常時夢遶蓬萊岫生

你也有故主之思麼。崑崙也只爲東陵戀故侯。冷落
了北海尋仙友。

生就是仙都上界敢也是這個乾坤。你圖個下半
世快活罷了。崑崙

得勝令便做道殘生隨白鷗也須有江漢一歸舟。你
這裡冠冕通南極。俺自有乾坤到十洲。生你怎輕去
了我去。崑崙輕丟。謫滿也難相候。生我夫妻好憂也。
崑崙休憂。願你夫妻們直到頭。夫妻們直到頭。

郭令公衆從上。左右的催動車馬尋着崑崙者。崑

崙

沽美酒架高車鳴絳騶。架高車鳴絳騶。莫不是追韓
信那蕭侯。郭不是追你來送你。崑崙這的是送客逢
春可自由。郎君小娘子見令公者。生紅綃見科。向者
多蒙不殺之仁。得效于飛之願。報恩何所。負罪實深。
郭前事俺原說不究了。此來只爲餞崑崙也。崑崙則
道你不索也。閉窮究。却原來出青門餞行酒。出青門
餞行酒。

郭你勇力超人。智謀絕世。我薦你做個羽林郎了。

你怎生又去也。崑崙不勞了。

川撥棹。哎。你要俺戴南冠。學楚囚。戴南冠。學楚囚。分明是參神龍烹走狗。饒着他滅項興劉。釣渭興周。借箸前籌。拜將封侯。這都是擎天妙手。則落得灞橋邊。手衰。柳。

郭令公。你原是那武曲星。天遣你來佐中興的聖主。數十年功。垂竹帛。名播華夷。仙路非遙。光陰有限。早討個急流勇退也。俺郎君受你的大恩來。老奴以此代報者。

太平令。識時務。閔中罷手。討便宜。忙裏抽頭也。須要關前顧後。那些個天長地久。你呵。到如今。得休好休。挂風帆。得收好收。呀。急須防江心船漏。

郭承指教。俺也就辭官入道了。崑崙郎君。你本是玉皇殿上金童。小娘子。你本是王母筵前玉女。宿緣未斷。雙謫人間。今既完五百年之冤家。須當結三千歲之正果。苦海無邊。回頭是岸。牢心記者。

七弟兄。勸着休早脩。葉落要歸秋。下場頭。見死也無人救。你雙名兒。儂籍在高頭。好乘鸞歸去。天風後。

生紅綃我夫婦也不樂人間就要去雙脩了崑崙

朝廷也須一謝者上拜科

梅花酒正衣冠拜冕旒正衣冠拜冕旒雙鳳闕五雲

樓調玉燭固金甌拜郭科願汾陽鎮九州好分破帝

王憂拜生科謝郎君問舊遊心去也意難留

收江南呀則野草閑花滿地愁看朝夕催人易白頭

青山歷歷水悠悠俺真成浪出遊真成浪出遊鳥飛

兔走天地一虛舟

老奴就此去也後會有期珍重珍重生你此去伐

毛換髓變姓逃形我何處會得你着崑崙十餘年

後但向洛陽市中間那賣藥的就是了

清江引紫騰騰劍氣冲牛斗華表歸來後人民半已

非城郭何如舊你則向那洛陽街尋藥叟

